


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

T 8200/0823.83

21



廣德州志卷三十四

哈佛大學漢和圖書館珍藏印

人物志

循吏

儒碩

循吏

求治之道莫若吏得其人故循良尚焉桐郡才俊挺生聯翩仕路自憲司以至一命所稱有猷有為有守者並著於篇

宋

李仲鰲任廣西提刑官治獄多平反人懷服之

南畿志

兼提

舉常平義倉茶鹽等事蔚然有政聲

萬曆選舉志

舊不立傳今增

湯景仁熙寧中進士為寧國令以廉介稱人謂其所居地

曰湯清村

據南畿志明一統志增

王廷袞字補之號蓋齋建平人開禧乙丑進士提點江淮刑獄不務苛虐人以恕翁號之歷官兩浙路宣撫時民役取珠多渰廷袞惻然陳奏得免民賴全活祀之海濱性骨鯁論事不避權倖以此與時忤疏乞歸子立道登

嘉定進士

李

**案**廷袞名見萬曆選舉志不詳歷官楊門志亦無傳李志始據縣志錄之中載奏免採珠事考宋史地理

**志**兩浙路領二府十二州七十九縣雖東西北皆際

海所產魚鹽布帛秔稻惟餘杭四明通番互市珠貝外國之物頗充於中藏然則珠為番貨非浙產明矣其子立道登進士各志不載縣選舉中亦無之不知何據以立傳今姑仍李志錄之

周承勳博學能文舉進士任新昌縣尉發奸戢盜民賴以

安

南畿志

轉知崑山縣卒有清閼集三十卷

明一統志

案舊志無傳

增今

明

濮陽瑾字良玉天順癸未選貢授寧陽縣丞兩賑饑民全活甚衆委督通糧至誠勸諭民咸樂輸上官交薦以親老乞歸通志送者遮道截鐙及歸推恩故舊修睦鄉里瑾性端慤外和內剛人無賢否悉致敬焉萬曆志先是寧陽民困於養馬力請於當事疏免之又議貸兩淮鹽賈銀一萬七千兩市粟備賑民賴以濟明年委賑曲阜汶上肥城等縣饑所至諭富民出粟以甦老穉弛山澤之禁令壯者漁獵爲食所活無算克屬二十七州縣以積歉負糧有司峻法徵催不得藩司命瑾督之瑾悉縱其縲

繫開誠曉諭民感泣爭輸泰岳香稅舊額二萬餘瑾三攝其事絲毫無染額增十之二三在邑九年治狀稱最祠祀名宦居林下三十餘年自號西峯居士年八十五卒鄉人賢而祀之楊志案此據其孫鄒所作傳文太冗今節潤之

姜溥性穎異善詩文登丁未進士案萬曆選舉志溥成化丁未進士李志作丁酉

誤今授嘉魚知縣卓有政聲推陞監察御史未任卒季志

戴初字復之建平人成化丁未進士性剛介甘貧力學有

詩名歷宰三邑皆以廉稱通志

劉必達號雲峯宏治年貢無錫訓導朔望集諸生講藝賞

其見解明悉者課日必構程擬示之一日課案首華生故富家子其父德之厚餽以金囑常留意必達怒曰若貨取我乎擲金戶外拒其子毋再與課時稱薄金夫子邑令陸之後雅重之比入儀曹薦必達民部郎官以老

辭歸

據劉氏譜增

徐金鉉字大器號靜菴建平人有才識宏治庚辰以歲薦

授南京副兵馬司檢身勤職當道器之卒於官囊無寸

儲人益誦其清操云

楊志

潘潤字時雨號贛溪建平人正德甲戌進士歷官儀部郎

擢守處州當道議增郡賦力爭而止比入覲民有餽遺

堅拒弗受衆構却金亭以懷之遷雲南兵備副使

通潤志

在郡時巨猾徐大潮葉懋三橫行鄉里官府莫敢誰何

潤毅然除之富民朱氏被誣繫獄察其冤立為辨釋人

敬愛之

李志

王世祿字子廷幼耽經史正德丁丑進士任麻城知縣調

象山歷瀘景二州陞戶部員外郎居官清慎治聲藉甚

及歸清風兩袖所至皆祀名宦焉

楊志

夏鶚字惟舉建平人正德間以國子生任行都司斷事先

是大同軍亂侍郎黃綰委鶚分別情罪擒首惡十一人  
當道忌其功被論去李志

夏宗仁字以元建平人正德丁丑進士授建寧令民戴其

德將內擢病卒所遺唯書籍數卷舒芬高其廉潔作清

風圖贈之

楊志縣志案夏宗仁李志無傳

鄭相字廷佐

楊門諸志俱作廷位

號松泉以文行名選貢為廷試首

慨然有大志居家孝友尤嗜文成之學宰夏邑九年績

奏循良建熙熙臺延賢亭以接諸生癸丑河溢躬畚鍤

築隄防會有盜警以計懾伏之鄰邑頌德以卓異稱最

民尸祝之解綬歸養究心理學有懷閩思貞集栗城漫

稿訓蒙小學古本大學註傳世州守段猷顯稱其生平

操履真可企聖希賢沒後流風信可師世範俗云

萬厯志

李崇謙字孔濟號松渠孩時聞人讀書輒能記憶十歲父

昭卒蘄陽官舍扶櫬歸江行經小孤舟幾覆母馮因戒

崇謙勿讀書見輒焚之既弱冠泣告母曰人不學不知

道即無意進取書安可不讀時姚江韓應龍授經郡南

戈氏往從之始學為文韓大稱賞後應龍大魁嘉靖乙

未榜崇謙亦登丁酉賢書去游韓門日纔四年耳選浙

江分水令發廩賑饑所活甚多興學繕城均稅革里甲諸善政悉舉時兩浙用兵徵餉無常而都御史以巡鹽來江南者所至餽送不貲崇謙與淳安令海瑞誓無私謁且上書為民請命至今分淳二邑皆尸祝之巡撫胡宗憲平衢婺礦賊俘三百人命鞫之原其誘脅者數十人邑有冤獄與監司爭之不得後其子得陽令蘭谿崇謙憶前事授之意竟為釋之陞江西吉安判不赴後以得陽貴封吏部郎中年六十七卒

萬曆志參行狀墓誌

巫璋字朝章

楊志作彩章

號白涯四歲失怙伯兄撫養之比長

以孝友聞甘貧力學博極羣書登嘉靖己酉鄉薦任調黃州別駕愛民如子廉平聲藉甚薦擢兗州同知未幾調開封政績懋著陞南京戶部員外轉郎中以病告歸歲大祲鬻田賑濟里有鬻妻者貸錢完之立義塾以教貧家子弟著有文章規式忠孝勤儉四箴

萬曆志

濮陽江字致源事孀母至孝雖在閨闈未嘗聞笑語聲任

遼州同知鬻家產以濟邊餉計却勁敵太原獲全擢臨

江府通判

參楊李志

夏宗思字以明建平人嘉靖戊午登賢書授雩都令多奇



績時有御史袁淳居鄉以分宜黨恣行侵併宗思上其不法事正其罪百姓爭肖像以祀課最例當得臺省司

銓衡者袁同年友也中沮之改調興山縣因棄官歸楊志

史可傳號南洲建平人少嗜學性恬靜嘉靖辛酉歲貢選

定興司訓陞祥符教諭以至誠感厲諸生士多化之居

恒不衣冠不見子弟子弟不衣冠亦不敢見云楊志

濮陽伏字汝昭號繼川始冠卒業成均交天下士任光祿

寺署正遷東昌府通判署篆屬邑捐俸入以補歲額理

冤獄懾猾胥治聲籍籍部使者屢薦之伏固辭歸里為

戚黨周困乏畢婚嫁無德色至今傳誦之萬曆志

呂正情字約之建平人孝事繼母隆慶己巳以歲貢授山

西平定州同知連攝州縣篆晉土瘠民疲正情極力撫

綏裁賦耗恤流移葺城堡嚴保甲所泣皆有惠政以耿

介不能媿阿尖上官意去之日行囊一肩送者攀轅遮

道楊志

呂明倫字子上建平人萬曆癸酉鄉薦知定海縣著海防

捷錄諸書以廉允轉山東萊蕪有巨惡元氏世為民害

明倫毅然剪除百姓歌舞於道祠祀之陞烏撒軍民府

同知楊志

夏元和字節之建平人萬厯年貢萬厯等志俱云由諸生今據選舉志改選

茶陵州同知攝篆攸縣陞山東兗州府通判權臨清關

一意潔已榜廳事後云摘蔬尋別味種竹映虛心以盡

瘁卒官充人無不哀泣楊志

甯瑞鯉字壽卿萬厯乙未進士授南豐知縣歷知成都府

考天下清官第一擢淞江按察副使廣西廉使所至俱

有惠政謝政歸鄉里多蒙其澤者李志

潘紹芳號登龍建平人萬厯間由歲薦歷任海寧進賢二

邑丞皆釐弊除奸著有聲績遷西域之馬平令設碑革

困民諸稅政百姓歡呼遍於城野及歸行李蕭然李志

夏之時字士寅號剡溪其學一根六籍為名諸生性凝飭

儕耦中絕無偏昵與人語輒傾襟意有不可凜如也居

恒誦法文正其先世曾捐置義田以贍俗之貧者之時

復偕伯父大司馬增置若干畝時進族子弟訓課之丁

酉登賢書家居十餘年未嘗以私干當事人謂有子羽

之風丁未以乙榜署含山學事大成殿圯以家貲千餘

金重新之諸生藉以舉火者數十家卒於署咸痛苦失

聲執心喪焉

萬厯志  
楊志

周化字育卿號靜菴萬厯間由太學生歷任廣信汀州二府照磨轉陝西醴泉縣丞攝縣印一載悉心撫字以勞積疾卒於任所遺酒杯書篋而已先是有縣吏以非辜陷死罪化察其寃為營救得脫吏感德繪像事之後迎櫬者并持以歸今像尚存

據周氏譜增

雲鳳岐字虞卿號巢阿萬厯壬子歲貢任通州海門教諭值鹽政之亂士民羅網者百餘人時讞獄者欲取決於鳳岐諸生夤夜投金納券盈案鳳岐怒麾之曰我豈戀

一官貽累若曹者火其券還其金慨然以身當之不累

諸生一人事定棄官歸海門人祠祀之額曰海國恩波

李志

案鳳岐楊門二

志無傳鹽政事未詳

李熙載號振寰家貧失學中年始發憤讀書暑月嘗納足甕中卒為學者萬厯乙卯歲貢任金壇訓導陞青神縣令賦性狷潔恪守官箴卒年八十餘

楊志

雲文彩號儀寰萬厯己未歲貢任德化主簿有異政御史張銓美其才疏薦擢普寧令任繁劇攝鄰篆摘伏如神案無畱牘陞永昌府通判致仕生平重然諾敦故舊濟

緩急有古人風楊志

王之棟字嘉隆號柱石建平人兄弟五人之棟處季盡以  
腴產讓諸兄以准貢選邛州僉判攝篆滎蒲二邑士民  
愛戴會討叛蠻之棟督餉黎城瀘河諸處山路險巇之  
棟調運不匱運夫多觸瘴道斃者掩埋之時給醫藥督  
撫交薦以守正不阿卒左遷藩相即解綬歸年六十八

卒通志楊志縣志

王之講字嘉學號育彝建平人由太學生授慈谿簿佐理  
撫循精明慎密疏河流淤塞以禦水旱邑人為建生祠

立碑紀事且為詩歌以贈之季志案之講楊門無傳據縣志

甯用轍字叔由李志作叔山誤天啟辛酉恩貢天姿雋逸擅名藝

苑泣任華容民苦浮糧設法徵輸民困稍蘇時豪衿恣  
橫用轍扶弱抑強民戴之如慈父林下四十餘年優游

詩奔壽九十二終楊志

楊時春字茂先建平人登天啟甲子賢書授銅陵教諭捐  
俸葺學宮學前有玉帶河築堤瀦水銅士賴之陞慈利  
知縣地逼麻寮美坪諸峒山獠出沒時春恩威並濟士  
人畏服值流寇告警時春催科有法軍需無誤部臺交

薦調繁長沙以勞卒

楊志

濮陽景旦居家孝友持躬端肅少擅文譽郡大夫屢延不  
至倡築興陽壩以禦水患數千家利賴之天啟丙寅歲  
貢任海門訓導六載所得俸半以濟寒士捐資建魁星  
樓復丁祭舊典有成季二生被誣應禠景旦力辨雪之  
報以多金正色拒之乙亥寇警維揚知縣教諭多別署  
上官檄調守城早夜捍護致疾卒於署邑人號慟建碑  
紀績都御史鄭二陽疏請旌卹

楊志

嚴斌美字美生號粹菴建平人崇禎元年選貢任紹興嵎

縣丞署縣篆廉而有守惠能養民民甚德之丁內艱歸  
行李蕭然資斧不給觀者太息

楊志

戈簡字行可號臣在崇禎辛未進士任晉江知縣晉故仕

宦藪簡謝絕請謁凡綜賦汰役練兵積穀息海氛靖山  
寇皆有成績

通志

先是秉鐸東光修學造士爲郡人築館

燕都旣登第闡藝大爲臨川艾千子所賞溫陵俗險健  
案山積簡多方勸諭踰年訟息濬河濟運今戈公陂是  
也試童子搜拔寒雋兩科元魁如蔡道憲鄭羽儀張廷  
榜輩皆出其門下丙子分校閩闈得士最盛六年報最

邑人緝同春錄以紀其績嘗攝篆南安民愛慕與晉埒  
兩居憂苦塊致疾卒著有遠菴集

楊志泰  
戈氏譜

戈天龍號鼎湖崇禎六年歲貢授福建南靖訓導與閩中  
才雋講論經術郡紳黃道周雅重之擢尤溪知縣撫字  
心勞宿逋一清以廉介失上官意致政歸後補廣濟知

縣未任卒

楊志

王重臣字叔葵號葵赤建平人由明經授蜀省唐安州佐  
值流賊分三道寇蜀渡白水破漢縣距唐安祇數十里  
刺史聞警率僚屬拜於庭曰君才十倍僕僕願如許遠

故事願君毋讓睢陽重臣乃集士民會議修器械設方  
畧因三江之險連營列寨賊望風而靡復攝篆江油條  
具五難四苦為民請命江油民歌之曰父兮生我母兮  
育我不有王令誰其植我及歸父老流涕送之立祠以

祀

李志

國朝

包元翀字拂雲號我澄順治戊子恩貢授平陰令時濟  
上屯兵縣苦供億元翀多方區畫賴以不匱更捐三百  
金以佐軍需蝗入縣界虔禱之遂出境斷獄明允有龍

圖再見之謠

通志楊志

盛士真字光含號雅南建平人學問淹博由選拔授知縣丁外艱未就既令北直任縣除弊興利勇於有為陞濟寧知州未赴而卒篋中祇餘銀二兩士民哀其廉歛金治喪歸其櫬焉

李志

張希哲號耐菴順治六年歲貢磊落有才識郡有溢額之征久為民病希哲入京應選謀於部設法除之司訓崑山己亥值京口之警眾欲棄城去希哲不可集紳士為固守計遷天長教諭調太倉學正擢山西稷山縣興

學校嚴講課期月治成時清釐漏賦按籍墾荒陽平里被困尤甚希哲憫之具請得免編審人丁均徭平賦糧不盈石者概免歲旱虔禱甘霖立沛邑紳士作詩頌之其客編為高粱集擢內翰去邑民走送百里外

據高粱集及張

氏譜增

戈啟斗字公明號月林順治七年歲貢任蘇州府訓導倡修文廟學舍巡按李森先廉其端介咨以地方利弊薦授義寧令邑多盜督捕有方捐俸五百餘金代輸歲額去官之日行李蕭然

楊志

戈瑤字金如號樵雲順治辛卯監貢考授中書舍人時有疏議改州歸府轄者州人皇皇瑤條其不便者數事都御史宜公永貴具題仍舊楊志

呂光盛字文徵號易菴建平人由明經司訓天長敦文教植寒士遷長山丞俗悍民強光盛以德禮導之民稱為呂佛卒於官囊無寸儲縣令徐捐貲送之李志

岑鶴字羽長號懺菴建平人康熙甲辰進士授河南西華令首禁奸民詭寄免差諸弊築扶溝張善口民甚賴之以內艱歸復補河陰值歲歉鶴賑救有方無冒無漏

擢鎮南知州所至有聲陞禮部郎中以疾歸居家儉約

不殊寒素李志

宗芳字漢臣號靜菴建平人由副貢任蜀之建始令兵燹之後人未知學芳力興文教不數年簪纓相繼邑民祠祀之比於文翁再任通許兩值歉歲陳於郡守轉請蠲賦民乃得生李志

陳鑑字旦先由貢生司訓淮安與諸生切劘道義冢宰張文端公總督河務知其能委給夫役工食以學博總理錢穀非舊例也李志



王逢龍字孟雲教習八旗授山東鹽運判分司膠萊時  
 上下兩關有私派陋規逢龍詳請勒禁大僚疏薦兼司  
 雒口關稅務委勘東省旱蝗捐錢米設藥局多所全活  
 逢龍清廉謹恪常惡矯虔以虐民者康熙二十年調  
 杭州府通判檄解耿逆家口至部逢龍體素羸不耐暑  
 行次蘇州以暍病卒貧不能具櫬杭州府志  
 巫裡孫字皇士號寧菴康熙庚辰進士知桃源縣潔己  
 愛民清剔陋規聽訟平反修文廟建橋梁惠政甚多因  
 罣誤左遷北直通州州判管理七省軍白二糧上慎國

儲下除積弊立義學二處講學殷勤尋乞休卒於家季志

王志援字予濟號竹屏建平人十歲有文名康熙丙戌  
 進士奉親以孝著未第時憫兄弟之困言於父母曰兒  
 猶能舌耕願以田宅讓之尺土寸椽勿有也居恒恂恂  
 不與外事其有便於鄉者輒引為己任如請改徵邑漕  
 至今賴之尹桂陽却餽減耗清節著聞課農養老育嬰  
 諸善政畢舉以分校卒於棘闈民為巷哭祀之名宦位  
 在濂溪先生下云季志  
 戴兆佳字士期建平人康熙丙戌進士令浙之天台斷

决若流洞中窾要邑居山僻民頑難治兆佳銳意振興  
登善良鋤豪猾振學校勵農桑清賦役釐保甲開義塾  
贍常平斥淫祀修名蹟繕城浚隍埋骨瘞骸百廢具興  
又台值兵燹後版籍脫漏飛詭舛亂末由振刷兆佳履  
畝丈量按地覈主錮弊頓清會以歲歉委賑三邑全活  
數萬政績詳載天台治畧後擢主事晉員外尋改禮部

卒於官

季志

宗高舉字一蜚號梧桐建平人乾隆初由廩生舉孝廉  
方正司訓陽湖調淮安砥行衡文多所成就辛未癸酉

河淮漫溢檄委辦賑遍歷清河桃源及本境七州縣悉

心查核按戶親給胥吏不能爲奸民沾實惠

縣申稿

濮陽樓字凌雲號苕溪與兄模俱內行淳摯學博文雄  
乾隆乙丑進士令陝西之三水地瘠民貧樓盡心撫字  
訓農勸學石門關有馬厰地三十餘頃磽薄僅足輸賦  
額戶口凋敝樓詳減其四之三民始樂業

王師討準夷道出邠州委辦臺站絲毫不以擾民典史盧  
某卒於官櫬及家口不能歸樓捐俸賙之丙子己卯分  
校省闈所薦皆名士以磨勘郵部議邑人如失慈父母

焉樓居官清約去之日幾無以辨裝既回籍候補遂不復出著有文杏堂稿葩經儷語左氏駢言子四皆庠生

次翥乾隆癸卯副榜尋卒士論惜之據家傳

陳惇字九叙號厚堂登庚辰賢書丙戌挑發閩省閩濱

海阻山夙號奸藪初令古田調寧化地接清流之董家

嶺積匪窟穴也擾害七邑惇至悉擒置之法邑多虎患

禱於神作檄驅之虎遠去擢判福寧署漳浦縣有孫蔡

兩巨猾素豪橫孫爪牙尤衆前令不能捕惇計獲誅之

蔡亦問戍邑賴以寧乙巳以本缺裁移駐泉州蚶江會

大軍進勦臺匪兵弁軍裝糧餉率由蚶江渡臺然係新立

航舶甚少惇經理一年濟運無缺及凱旋署興化郡仍

攝篆興糧蚶江竟以積勞卒惇至性純篤其赴閩也以

母裘憚遠行弗克迎養作反哺辭十二章奔母喪哀毀

骨立聞弟錫訃一慟成疾又好施予族鄰咸感其惠焉

據行述

儒碩

漢時儒林非經明行修不與後世所稱鴻儒大率如  
王充所云精思著文連結篇章者耳柳川自治平後  
儒風日振繼得文莊講學士咸以道學相切磨遺韻  
流風於茲未墜至若植品禔躬無愧篤行君子者亦  
多可紀依舊志目爲儒碩云

宋

查深字道源隱居力學治平間郡守錢公輔疏其行諡薦  
於朝力辭不赴乃爲築堂於城西玉溪之上名曰清容

延請教誨郡人子弟循循善誘儒風日振學者稱清容  
先生有文集二十卷南畿志明一統志萬曆志通志

明

錢用壬字成夫元南榜進士第一授翰林編修出使張士

誠畱之授以官大軍下淮揚來歸

明詩綜出為江浙行省左右司員外郎既

而參平章張士信軍事於淮安

累官御史臺經歷預定

律令尋與陶安等博議郊廟社稷諸儀其議釋奠藉田

皆援據經文及漢魏以來故事以定其制用壬言文廟

祀典宜於每歲仲春秋上丁皇帝降香遣官祀於國學

以丞相初獻翰林學士亞獻國子祭酒終獻

自文廟至此據通志

及明史禮志補

又言漢鄭元謂王社在藉田之中唐祝欽明云

先農即社宋陳祥道謂社自社先農自先農藉田所祭

乃先農非社也至享先農與躬藉同日禮無明文惟周

語曰農正陳藉禮而韋昭注云祭其神為農祈也至漢

以藉田之日祀先農而其禮始著由晉至唐宋相沿不

廢政和間命有司享先農止行親耕之禮南渡後復親

祀元雖議耕藉竟不親行其祀先農命有司攝事今議

耕藉之日皇帝躬祀先農禮畢躬耕藉田以仲春擇日

行事

據明史禮志補

案傳文有云

語詳禮志今補之而節去此句詔報可洪武元年

分建六部官拜用壬禮部尚書凡禮儀祭祀宴享貢舉

諸政皆專屬禮官又詔與儒臣議定乘輿以下官服車

式時儒生多習古義而用壬考証尤詳確其年十二月

請告歸

明史陶安傳

賜居湖州

據明詩綜補

**案**錢尚書為有明開國儒臣明史既為立傳又贊云

明初議禮釋奠耕藉用錢用壬能援據經義酌古準

今郁然成一代休明之治其予之也至矣萬曆志乃

僅於選舉志載洪武敕中命貳憲司云云而不為作

傳楊門等志移入名賢傳即用其文鄙陋已甚至明

史傳中所稱祭祀宴享諸議惜已無考其詳禮志者

今悉採以補之亦是邦之光也

謝士貞字彥良建平人永樂中以明經任本學訓導循循

善誘邑人知學皆其教也

通志

後家居淡泊自奉年九十

卒嘗有詩曰林藏書屋天能幾梅占山窗月不多其雅

致可想

縣志

濮陽涑號真菴嘉靖丁酉舉人公車時值楊繼盛以忠諫

死涑素服往哭為文祭之幾被禍通判南昌三署屬邑

平花園積寇獲豐城劫盜為人端直俸入不以自潤積穀備賑歲祲全活者衆致仕歸學宗伊洛正脈爲里中人物冠冕本郡不養馬不歸府轄皆藉其力所著有四書禮記貞義韵學大成圖書性理訂疑通志卷三十一

夏思字睿甫

萬歷志

號官明少而苦學寒暑不輟舉隆慶庚

午鄉試太倉王錫爵奇其文延爲子衡師起家瑞昌教

諭累遷禮部司務以請建儲忤旨歸著有約言編還初

錄

通志

世稱學者必曰官明先生

楊志

王維謨字正甫萬歷初爲齋長家貧篤行與李天植從鄒

東廓講明道學稱爲心絃先生年八十五卒著有禮經

主意

李志

鄭勳字國忠號東雲私淑文莊天性孝友一敦實履遇僇

利子輒引避曰寧爲此輩譙訕耳少失怙終身不爲華

服撫孤姪不啻己子生平無輕然諾都人士藉其言爲

重指其居曰蘭宅以勳居蘭塘故名且以志德馨也捐

館後諸同志請之州刺史有云倘生齊魯之故地擬列

宮牆旣承東廓之淵源合從俎豆聞者以爲實錄

萬歷志

勳由萬歷庚子歲貢任安吉訓導

楊志

國朝

甯謙字皆吉號朗齋廩生孝友醇慤博學能文接物藹然圭角不露有叔度汪洋之致內存剛介不趨權勢隱居教授先德行而後文藝少有踰檢者卽屏之督學張運青甚爲嘉賞舉其優行著有畱餘堂詩集季志

雲中官字軒臣號澹菴高才生選貢文譽籍甚康熙癸未登進士爲人狷潔抗直不樂仕宦先是中官爲王尙書子弟師王推薦之應選庶常固辭南歸明年王少司農及崑山徐公皆齎書敦聘不赴旣補中書舍人亦不

就爲學力探儒先闡奧文章醇實海內學者宗之鑿山取煤爲郡大害有豪商欲圖開挖州人訟之不能直中官馳書趙侍御嗣晉力懇于中丞劉公事得寢中官兄病疫親侍湯藥晝夜扶掖兩月無倦意孝友敦睦足爲鄉里子弟法家甚貧常授經他省辭歸主人強納四十金於行筭要之明年復往不果欲還其金無便臨沒猶出金囑其子必寄之封識如初閱六年矣卒年四十四次子輝萼博學能文著有古文從吾錄古詩鼎選早卒

通志  
季志



廣德州志卷三十五

人物志

文苑

武功

孝友

文苑

山水之秀蔚爲人文上下數百年間其煌煌鉅製茹古涵今者固足立言不朽他若篤志好學閉戶授徒以詩文名於時亦有不可沒者概之曰文苑

宋

查揆號霽山深之孫幼俊敏能文熙寧中升上舍生神宗問近臣舍選得人否有以江南查揆張汝舟對後第進

士為太學博士臥疾不起陳紆以詩悼之曰舍法得才

傳黼展古人馳譽重賢關

明一統志

沈虛中字太虛宣和中進士

案虛中宣和沈晦榜進士萬歷選舉志及楊門志並同惟

萬歷志傳作紹興誤今改正

翰林院知制誥天資聰慧博洽有聞所

著有資治通鑑事類左氏國語要畧考異國史要綱桐

川集官至吏部尚書

萬歷志通志案吳曾能改齋漫錄稱沈太虛侍郎虛中則由侍郎進

尚書也

時秦檜病帝命虛中草檄及其子熺制並令致仕

續通鑑綱目

何大圭字晉之年十八試禮部第一以文章著名

南畿志又通志

云詩文

有聲

重和間為館職

案大圭政和未進士其為館職當在重和間詩話及志俱作宣

政誤今

其人跣跣不羈仕宦晚亦不偶嘗有詩曰茅屋

松窗小隱家茶煙漠漠水斜斜簷間乳燕未成語庭下

石榴爭放花賴有詩書銷白日倦隨車馬走黃沙林泉

舊約好徑去風雨滿江垂釣車又有聯云蜂垂倒世界

蚊集小雷霆又嘗為姓韓貴人作樂語乃以唐吏部漢

將軍為對亦有巧思

庚溪詩話參萬歷志

明

韋暹字廷昇建平人清貧苦學以文行名州守周瑛甚重

之成化十六年貢授代府審理正李志

濮陽漢字致昭初號橫山志行純篤登嘉靖七年鄉薦卒

業南雍司成張文定公極見推譽謂其試論出程篁墩

上二十七年就選太宰聞石塘公試以歲寒松柏論擢

第一授工部司務奉命往江西造費尙書墳遇東廓鄒

先生于上清宮講學刻有信游奇遇錄歷陞南京戶部

浙江司郎中以志行違時致政歸據濮陽氏譜增

袁茂獻字忠卿號心玉建平人弱冠爲諸生沉靜篤學宣

城司成湯驪菴奇其文締忘年交甲乙擬歲薦不就時

手一經訓子孫以壽終李志

韋傑字謙甫號南明建平人由選貢授無極令以執法觸

權闖謫改永平教授遷北雍學錄永州司李所在政聲

甚著踰年引退杜門著書有詩經明辨十卷北遊草三

卷杜律五言註七言註各二卷子大有領鄉薦亦官司

理楊志

潘嘉字子會建平人性孝友嗜學能文入太學選廣東布

政司理問介直不阿投劾歸闢一圃曰賦閒與同人觴

咏其中太史馮夢禎銘其墓楊志

王際盛字有五號鄴仙建平人博涉羣書十七補諸生守令走幣徵文無虛日邑令朱敬鐸器重之著涵碧樓稿

二十卷 李志

王際孟字象春號育圖建平人接物藹然工古文詞邑有

大著作半出際孟手兩中副車 李志

孫振宗字簡伯家貧力學無寒暑晝夜櫛沐幾廢萬厯壬

子鄉薦尤善古文詞 通志 楊志

戈維屏字元衛號濬川攻苦積學中萬厯辛卯舉人胸次

爽越言論煥發桐川英俊皆出其門 萬厯志 通志

張元庚字以長號長琴建平人七歲能文博涉經史百家

脩身立德以古人為期遠近從學者數百人登天啟辛

酉賢書著述甚富子麟儒領崇禎癸酉鄉薦 楊志

夏儀字長卿號麟之良心之孫頎然玉立咳吐成文時有

子瞻之目嘗從舅氏韓敬入長安名動公卿崇禎辛未

進士授中書科舍人分校北闈所得皆知名士使松江

便道歸卒於家 通志 楊志

雲一穎字叔含號耐菴資敏悟總角能詩善屬文有蒙莊

大蘇筆意國變後入山不出於四書詩易書等經諸子

史皆有論說發前賢所未及又著問異賦三千餘言

李志

王日如字弗如號石崖少擅文譽崇禎己卯副榜家貧好

吟咏興到疾書多牢騷寄託語論者謂其匠心獨照不

向世人索解也晚遊閩楚所至留題有吟父感遇詩其

師新安學博許啟洪序之

據許序

日如精醫不取直里人

高其行購田二十餘畝贈之

據墓志

案日如舊無傳今增

濮陽長字長公號震初幼孤事母許以孝聞嘗從陳寒山

遊與於南社又立桐溪大社講學郡中時錢吉士楊維

斗沈眉生成器重之崇禎十六年由恩貢授教諭辭以

母老白號天遯居士著有二可堂集亦悅居草

據濮陽氏譜增

盛於德篤學好古於世味泊如也生平健著述藏有州志

舊本手錄軼事俱極公慎乾隆四年州守李修輯郡志

多採之

李志

史大綱字正之建平人諸生性介直重然諾族姓繁衍有

不平質之大綱一言解去族之無訟者四十年生平好

古力學手錄史漢綱鑑諸書而評注之子繼佚登順治

丁酉鄉薦

楊志

國朝

夏君信字君實建平人敏慧善屬文試輒冠軍居家孝友秉性介然不苟凡衆所艷趨者淡如也以明經終

李志

戈標字闇生號霽園家貧好學通經史百家言康熙甲

午選貢州守楊延輯州志甲子聘修江南通志標與建

平諸生姚錄王翹與其選標年近七旬最爲耆宿分門

纂輯焚膏不倦四閱月竣事旋郡侯朱尤推重之

參通志及

戈氏譜增

夏迪忱字顓俊號若齋康熙壬戌進士讀書寒暑不輟

文章醇正郡知名士多出門下嘗自塾歸聞哭聲甚哀

訊之乃莊姓負債鬻妻卽傾篋中金代償之歸家歲暮

無以舉火恬如也又有賣兒償逋者號于野迪忱解囊

贖之其慈祥惻怛類此持躬雅飭登第後尤肆力詩書

至老益篤

李志

夏澍字雨蒼號敬川康熙甲子拔貢授山西襄陵知縣

以疾未赴澍苦志積學以主敬窮理爲要盡絀岐說大

司成徐健菴翁鐵菴深折服之安溪李公延擁臯比講

道論學名重京兆著有朱註發明可亭朱公深嘉之又

有朱註釋義朱子本末學者稱雨蒼先生

李志

岑岳字予申建平人才情敏慧襟懷曠達舉孝廉甘于  
淡泊詩酒自適醉後援筆千言立就有謫仙之風惜未  
展其志而卒

李

志

嚴文在字聚東號清澗建平人康熙丁酉解元戊戌進  
士選庶常授檢討孝友忠誠恂恂雅飭爲文章爭相傳  
誦咸以爲有德之言惜未究其用

李

志

戈象雍字佑康康熙丁酉舉人天性高曠不問家產廩  
無擔石儲晏如也奉養二母必致甘旨與人交未嘗言  
人過有一善輒掄揚不置人稱長者自少能文與雲中

官巫樞孫齊名旣而雲巫成進士象雍屢試不第益肆  
力於詩古文詞所與遊皆當世知名士大宗伯吳青陽  
素推重之督學畿輔延佐衡文象雍以母老堅辭歸養  
著有四書文稿

李

志

王翹建平人邑諸生受業于徵士沈耕巖博聞強記多  
著述甫脫稿輒相傳寫時奉臺檄徵各屬名士修江南  
通志翹應召制府虞公甚加敬禮焉

縣

志

嚴君立字聖基建平人庠生從宣城孫喆遊潛心篤學  
而于陰陽奇耦論辨尤精以攻苦致疾卒年僅三十三

生平著述俱散失士林惜之縣申

方穀字嘉禾號栢溪己酉選貢揀選知縣以親老歸養

生平寡交遊以詩文過從者祇二三人居城中足不涉

公庭當道間以詩文見招偶問及外事默不應實亦不

知也與修州志性緘默訓及門則講論不倦年六十八

未及赴選而卒子兆元歲貢生學使劉梁先後舉優諸

孫俱遊庠食餼者二人公舉

陳士玉字崑田號靈巖七歲而孤母洪撫教之性沉靜

寡言笑工制義居家雍睦雍正乙卯由選貢舉於鄉屢

試不偶教授生徒室廬僅蔽風雨乾隆辛巳會試以

恩例給國子監學正壽七十卒長子鳳詔庠生早卒家傳

宗兆燕字玉懷建平人與從兄兆熊俱能文兆燕尤長

於散行駢體兼工書法兆熊壯年選貢尋卒兆燕年五

十始入成均杜門授徒終其身富於著述而不畱稿與

驚名者異縣申

濮陽模字窗耘幼孤事繼母撫二弟以孝友聞好學工

詩文乾隆庚辰登鄉薦再試禮部不第杜門課子授徒

橫山州守劉以禱雨至請見之模託辭避去守高之著



有映劍集嗣子狎廩生模從弟慎字徽五九歲能誦魯靈光殿賦嗜書聚至萬卷從模學詩一年而成有傑句多識郡中舊事著木齋集性放達以選貢終家傳李仁曾字元建歲貢生讀書多慧解居母喪一慟幾絕遂患心痛終其身家貧得館粟必分給異母弟曉醫見請輒往性嗜飲百觥不醉酒後為文及書益超逸有奇氣與濮陽模交厚模號眉海仁曾號眼山戲為句云道是眉來眼去誰知海誓山盟聞者絕倒著有篆香詩集

公舉

沈嗣進字俊三號筠坡祖洪字冀尊潛心理學能詩文人稱卓菴先生以諸生終嗣進自幼為洪所器及遊庠試輒冠軍交遊皆一時名士乾隆癸酉選貢候選直隸州佐九赴鄉闈屢薦不售以親老絕意仕進一編而外泊如也所教授生徒各有成著有筠坡詩草學庸纂要易經精義藏於家子懷五增生煒廩生公舉陳錫字菁莪號桐溪六歲喪父哀痛如成人長好讀書有聲庠序乾隆丙戌進士授工部營繕司主事以母老乞歸色養備至母偶有怒錫輒牽衣索果如小兒狀母

為開顏其至性有過人者未幾以疾卒生平喜遊所至  
題咏說者謂有建安風骨其友濮陽模為輯其遺稿名

桐溪集 陳氏譜

吳延暎字雯照幼即嗜學性貞慤為諸生課徒北鄉二  
十年許嚴立課程剛介不苟及門皆謹飭自好三子汝  
梅澍嘉植皆親教之學行一如其父汝梅澍庠生汝梅  
舉優嘉植丁酉選貢充四庫館膳錄需次教諭為諸名  
公所器重戊申歸里卒士林惜之 公舉

武功

有文事必有武備二者不偏重也桐郡山勢雄傑篤  
生偉人自明以來克奏膚功者卓卓可紀萬歷志有  
武胄門楊志入選舉李附宦績茲別為武功

明

湯達之少以智勇聞嘗客遊無錫遇太祖兵投充麾下從  
征張士誠堅壁不下達之舉巨石擊開城門遂平姑蘇  
同輩疾其功中以蜚語尋誣奏籍沒其產已而謂功不  
可泯復給還 萬歷志

漢陽成字子義沉毅有遠志膂力絕人明太祖兵至廣德幸祠山時成尙童年潛伏殿閣以覘上仰見人影命射之應弦取矢不能害疑爲刺客命舉火焚之道士以神應辭得免後兵駐宣州大閱成從焉試射角力充靈壁侯湯和麾下百戶歷隨耿元帥拓地克敵功陞千戶緣事充廣德翼小旗後屢立戰功封武德將軍世襲金山

衛百戶

萬曆志

蔡汝蘭字子芳

舊作方誤今從李志

州廩生博學善書浙直總督胡

宗憲嘉靖間視師海上聘掌書記積勞授都閩歷南贛

叅將子沒王事世襲千戶

萬曆志

宋大斌由卒伍隸汝蘭麾下積勞至遊擊將軍征倭復朝

鮮有功績論功晉遼東叅將未拜官卒

萬曆志

國朝

章良臣字鼎賢少孤貧有大志康熙初應募入閩爲武

弁金某子遂冒其姓從平耿逆及澎湖臺灣諸寇敘功

加十九等授左都督榮祿大夫權潮州府黃岡右營九

年引疾歸里軍士感其德立石頌之

據章氏譜增

李國盛字公宇號瑞卿建平人從戎河南康熙十四年

值耿逆之變隨征福建授把總調衢州千總屢以戰守著績明年調金華協破賊馮公輔身先血戰復宣平縣進勦大溪灘生擒賊黨隨由江山進仙霞嶺連克三關及浦城建陽等縣並建寧府部議敘功九月進師延平趨運軍糧接濟十月率兵次小門山枕楓嶺殺賊焚寨十六年調省監修戰船十八年攻漳州守鳳山日夜堵禦十九年攻獅子山并陳洲馬洲灣腰樹觀音山等處連破十九寨克海澄取廈門加功三等授都司尋又敘功加十九等授左都督註入宣州衛籍二十八年任遵化城守營以左都督攝遊擊事食一品俸以疾休致世襲全俸

誥贈榮祿大夫國盛子廷芝世襲拖沙喇哈番歷署山東壽樂寧福二營都司青州營守備乾隆二年新街世襲

雲騎尉

李志

孝友

孝弟力田漢以取士所以維風教正化源也桐郡以孝行著者代不乏人雖其中割股一節事涉傷生而自唐史已載之蓋愛親甚於愛身實有難能可貴者舊志孝義合登茲析爲二而唯孝斯友遞及以觀內行焉

唐

潘晃事父至孝嘗以役事至京一夕夢祠山神告曰汝父病篤晃覺驚惶不已日夜奔走以歸一夕復夢神語曰

汝父疾愈歸問其故果如夢中言南畿志云人後父卒以為孝感

廬墓側芝草累生元宗詔旌其門萬厯志授廣德令明一統志

案冕事載南畿志通志並同惟不言神為祠山萬厯

志稱旌門在天寶間只言廬墓生芝而不及夢楊門

志又刪去所旌之朝今依一統志原文錄之

宋

李彭年紹興間進士嘗割股以療親病萬厯志云割股肉雜米以進後

以二親沒於兵南畿志作後親沒於兵無二字感慕不已蔬食終身郡

守洪興祖聞於朝詔旌表其門萬厯志高宗旌表其都曰旌孝人號其

里曰旌孝明一統志

陳士儀字正國事親孝親沒廬墓六年歲荒捐穀三千石

賑饑全活甚衆南渡時軍需匱乏助餉十萬宋帝嘉其

孝義李志儀舊志俱無傳

王安兒居建平桐汭鄉不知何時人相傳鄉舊有阮橋廟

安兒父病篤禱於神割股肉和粥以進父即愈鄉人因

名其廟為割股通志萬厯志

李貴建平人居原通鄉事親至孝承顏順志終身不衰處

宗族賙貧恤孤樂善好施鄉人因名其居傍之橋曰孝

義通志萬  
歷志

范日進建平人咸淳時家衆三百口不分產鑿雙井共汲

惇睦無間通志案李志列明人宗維漢後考萬歷志明言咸淳時人則李誤也

明

姚觀壽有孝行洪武間旌表南畿志父病篤憂惶無措割股

進病遂愈洪武二十六年旌表其門萬歷志

案明史孝義傳太祖於割股臥冰傷生有禁故於所稱事親盡孝者有萬里尋親三年廬墓聞喪殞命負骨還鄉等款而所列被旌姓氏洪武時有廣德姚觀

壽等據此則觀壽所以被旌者當於上數款中求之不應專以割股爲孝南畿志但言有孝行甚得闕如之旨州舊志及通志俱專言割股恐未盡當今兩仍之又萬歷志云潘晃李彭年姚觀壽三人俱久湮宏治十六年知州范昌齡總建一坊蓋以表已往勵將來也

潘顥字仲素建平人父尙直永樂戊子歿王事顥哀毀廬墓三年年四十登賢書一試禮闈卽隱居白石溪自號白石居士縣令李造其廬勸之仕不應景泰間煮粥賑

飢有糴穀者聽其自取曰我固不吝汝亦無濫取也年八十卒妻馬壽九十六據縣申稿增

湯文炎字南伯進士居易孫六歲喪母父娶繼母生弟妹

九人文炎事繼母盡孝友愛諸弟人無間言父宦歸分

產文炎曰先諸弟然後及我以父廕任官采石每得異

品必遣人先獻父母然後敢食人稱為純孝君子萬曆志

王應鯉字時化號兩溪建平人嘉靖壬子亞魁蚤年師事

宣州沈古林貢受軒因從鄒東廓歐南野錢緒山諸名

公講學事繼母張氏以孝聞楊志母歿應鯉哭泣不輟兩

目不見二年後復明貢受軒誌其墓以王祥方之季志

胡湛明字空如建平人性至孝父母有疾衣不解帶色養

備至後棄舉子業肆力於濂洛關閩之學得其要領集

生徒講學於南門法雲菴邑之稱理學者推湛明焉楊志

孫允昌節婦劉氏子克承先志事劉温省靡間侍疾嘗湯

衣不解帶者月餘人以爲節婦之報閔以棟續萬曆志

許致身庠生天性孝友割股救親訓弟成名終身不履曲

徑人以比子羽續萬曆志

陳常字于夏號元同建平人性至孝家貧力學耕田以膳



父母年四十始遊庠父歿廬墓哀號不絕終喪乃已母死亦如之縣尹及學使屢加旌異楊志

宗文獻建平人庠生天性孝友母病躬治湯藥衣不解帶者三月母死廬墓側虎夜繞其廬學使御史兩旌篤孝

子介天啟甲子舉人楊志

潘事心字若泰建平人庠生孝友恭讓方新婚而親沒柴毀骨立躬負土結廬墓側六年不入寢室學使嘉賚之

通志  
楊志

李茂字茂才建平人庠生潛心理學父母卒俱廬墓三載

疊膺旌異後茂卒繼室吳氏年二十八勵志守節人以方鮑宣夫婦焉楊志

岑熙建平人以孝行著於鄉客都下得遺金五百兩於旅次求其人還之御史馮明玠為記其事少時館於外夜分有隣婦挑之拒不納生平言行一以聖賢為法崇禎年政府欲畀以官不就歸以琴書自娛庚辰辛巳連歲大稜破產以賑親族之無告者後有盜過梅渚相戒曰此善人之里勿犯也遂引去通志  
楊志

王棟臣字吉甫建平人年十四割股愈父病兄夢臣宦辰

州卒徒跣抵楚舁骸以歸撫姪洪教成立且婚之三十  
喪耦不再娶季志

史贊化字調元建平人父病默禱於神刳股和藥以進父  
疾得瘳楊志

姚景鰲建平人性篤孝父卒廬墓三年猶不忍歸遂課子  
於其中每食必獻者又三年事後母亦以孝聞楊志  
李志

宗翔南建平人年十四母病聞其父會刳股療祖疾遂引  
刀割以和藥進母後翔南病篤妻沈氏亦割股療之楊志

王國義字希宜建平人遺腹子語及父容輒流涕母歿居  
墓側苦塊獨處伯兄早逝無嗣歲時祭必盡哀族人喪  
葬不舉罄所有助之門志

王顧八李志建平人家貧力耕母病衣不解帶旦夕禱願  
以身代割股四寸餘和醴粥以進吮父疽奉侍三月不  
懈楊志

宗光國字維城建平人十六補諸生父為仇飛搆頓顙流  
血請代父杖臺使者宥之崇禎歲連稜道斃交枕施棺

席瘞之有楊思奇者貸光國金將鬻妻以償即不更索

復調給之門志

田士聖建平人髫年失怙事母至孝母死躄踊慟絕既安厝遂斬茆為廬獨居守墓妻孥衣食弗顧也怨慕號泣三年如一日張邑侯給匾獎之季志

潘之藩建平人性孝友勤學問訓子弟以敦樸與人交推誠行恕里人多信之年七十餘值土寇劫掠之藩率族人連保甲設禁約互相守望羣賊不敢窺一方賴以安

全季志

戈覲字子華號隣竹行醇謹兄六十乏嗣為之買妾舉子歲飢疫煮粥延醫鄉里蒙惠崇禎十五年舉優季志

戈天濟字時盛事親盡孝為里黨所推崇禎癸未巡按賀

登選表其閭曰孝行據戈氏譜增

潘鈺字服之建平人庠生少孤力學兄弟以父喪家貧徙他郡鈺置田宅招之歸歲大饑出粟以賑病者醫藥死者棺殮鄉里稱為善人季志

葛允仁生十餘歲母周病篤割股以進母遂愈逾十二年而卒事繼母施委曲承順年已四十猶孺慕也父病歿割股廬墓晚年事佛不倦鄉里稱孝善云續萬曆志

張守信幼喪父事母以孝稱母病割股救之既歿廬墓三

年續萬  
歷志

國朝

包虹字文長庠生事親盡孝父病篤嘗糞甘潛然泣曰  
甘則不可療矣禱於神以身代父歿廬墓日夕哭奠與  
家人不相見者三年當事屢旌之李  
志

戈羽明號思竹行端方事父竭力承歡父死盡哀足跡  
不履公庭康熙十一年舉優李  
志

雲載德字宛聯庚子武舉弟庠生潤礎客浙江湖州之  
南潯鎮死於非命載德聞之號慟幾絕泣訴兩浙當事

卒為豪紳猾吏所阻載德赴京控部事得白羣凶服辜

李  
志

宗維漢字子廣號慕蘇建平人歲貢生宋畱守諡忠簡  
澤之裔孫父患背疽維漢吮舐得愈後母病侍湯藥衣  
不解帶者兩月露香籲天願以身代割股以進病愈人  
以為孝感後母歿哀毀骨立旬餘不進水漿嘗廬墓悲  
號暈仆經日始甦母性好施捨維漢承順不倦出母所  
積金六百兩設廠賑粥更捐貲以瘞貧不能斂葬者邑  
長圩水濱里黨艱於補築維漢復出母遺金募工修築

十里完固倍昔〔縣志〕康熙戊子甲子水旱為〔縣志〕卹老羸歲

以為常人皆感其母德而益服其孝思之純篤也雍正

十一年建坊旌表祀忠孝祠〔通志〕〔楊志〕

陳乾字亨之竭力事親弟歿撫姪如子族有賣子典身

者出銀代贖貧人債負焚券不取地方染疫為貧者延

醫死則施棺人頌其義〔通志〕

濮陽翼字羽成貢生居家孝友慷慨好義諸姪幼孤翼

撫育之經營其產業寸絲斗粟皆有籍可稽姪成立悉

還之嘗買婢廉知為宛陵良家子破券歸之郡守周謀

構尊經閣翼捐八十金戊子己丑荒疫翼施粥施棺鄉

人德之〔李志〕

濮陽曉字粲東號勉齋廩生天性孝友志操狷潔訓迪

後學殷殷不倦從遊者近千入初艱於嗣將置妾適堂

弟欲娶乏聘曉即以買妾資為完娶焉戚屬有盧某負

豪右銀百餘金計窘圖自盡曉傾囊不足更稱貸代償

人稱其義〔李志〕

胡夢麟字仁山事繼母得其歡心撫幼弟以友愛一生

不與公事雍正八年舉優〔李志〕

雲像會字念詒貢生少孤事母曲盡愛敬母少不如意  
卽長跪色喜乃起母疾篤禱神願以身代侍奉湯藥衣  
不解帶月餘嘗爲母誕稱觴母曰我有素志未遂爾會  
祖嘗兩次蠲穀千三百石以濟貧乏爾獨不能承祖志  
乎像會欣然承命散穀七百餘石閭里德之又割腴田  
一百二十畝爲族義產創廬以守祖塋捐金以修宗譜  
皆母志也像會可謂養志矣乾隆元年奉旌李志  
徐宗安建平人先世蕪湖人父始居梅渚宗安幼孤哀  
慕如成人家貧業鑷工妻孫氏勤紡績朝夕必具甘旨

母怡然忘其貧母歿宗安毀幾滅性旣葬事木主於堂  
寢其側盛暑不施帷帳邑令衛聞而賢之賜米二石錢  
三緡宗安辭固與之則拜謝受二升米三十錢裹歸以  
錢市酒肉炊米作飯哭奠於墓前鄉人稱之曰廉孝子

建平  
存稿

潘宗鈞建平人年十三父佐龍得疾宗鈞泣禱求以身  
代服勞徹夜瘠且骨立佐龍有逮當赴臬司宗鈞以父  
病請代行桎杻就道顏色怡然蓋恐父悲也途中夢魘  
囁語猶奉湯進藥至泣涕驚寤數月歸星夜疾走入門

問父病猶未痊也弟又病亡遂以憂勞成疾死邑令蘇表其閭曰孝同舒倬

建平存稿

沈衡字渭呈庠生以貨殖佐其父治產初止三頃數年增倍父沒有異母弟四人盡推與之己僅取十畝日余習會計無賴是也事繼母盡孝凡葺學宮明倫堂福星橋諸義舉皆藉其力徐詹二守先後贈匾曰孝友足法望重儒林又助田祖祠為外祖王氏置祠田子綱別有傳孫斌壬申武舉登瀛廩生補弟子員者七人咸謂兩

世積善之慶云

沈氏譜

周纘緒字膚功幼有至性執父喪三年不入內寢州俗始死設靈牀既殯即撤甚有喪未踰月其家已了不知有凶事者纘緒執不可進盥上食一如生存釋服乃已

間日省墓歸必涕泣竟以積毀成疾卒

周氏譜

潘藻龍字汝明庠生幼出後於從叔忱祚忱卒哀毀若成人事祖母母以孝稱父行恕好義傾家施予所居巷苦泥濘修砌之貲竭藻龍鬻己產以佐又為同母弟四人娶婦坐是亦貧舌耕以終無怨言亦無德色季弟早亡哭之慟弔以詩數十章力學徹晝夜稍倦則以手

擊穎年四十一得癡疾自知不起以祖塋被侵未復母老未能終養痛自引咎尋卒子鳳梧庠生

公舉

附

步濬文庠生禹功子乾隆甲午禹功戍甘肅之寧州摯繼妻李偕往濬文時年十七請隨行朝夕奉事惟謹禹功雖罪譴所過必訪問古蹟濬文常先後之有所得輒走白以悅其心逾年始還戊戌夏負擔往省三十六日而至禹功壯之歸抵汴梁值河決徒跣繞道七日路無人烟越五年又往值回匪滋事父促之歸丁未春復往

既還而禹功病沒濬文聞訃哀毀隨赴寧收父骨并迎母及幼弟歸養之弟生於寧年已十四矣濬文未嘗讀書又貧窘乃於一十四年中往返數千里者五次出入於水火兵燹之間卒歸父骸於故土繼母與弟皆得所此豈易得者哉特附表之

案人物例以蓋棺爲定但孝義彰著衆口交孚不可沒也因附以別之後倣此





